

للعليلة

اصدگ ناظري مدري اچذبه
مشه وين العزيز الحيل احبه
گمت حتى البس احباب
عليّ شو سدوا الباب
و ماخذوني

صعدوا عالهدواج و انه ظليت ماي و دمع اّدي
اگولن هسه اكسر خاطر حسين و يگلولي صعدي
مدري شلون حسبوا روي تراتح اذا ظليت وحدي
گالوا زين الي بس هذا الاحساب كله اّندار ضدي

عافوني وحيدة و گلي اذوه
حتى البالمهد وياهم اخذوه
الّمْ لّسه بالاثياب
عليّ شو سدوا الباب
و ماخذوني

ركبن كل خواتي گبالي عالنوگ بس انه الوحيدة
شما اصعدي ناگّة يبجي الحسين و ينزلني بايد
برقية توسلت تحچيلي واياه و ابسكنة و حميدة
انام شلون اگدر و انه ما نام گبل الا اعله جيده

طحت عالگاع طيحة طير مذبوح
من اشار عليّه و گال متروح
ردت اعرفها الاسباب
عليّ شو سدوا الباب
و ماخذوني

اليعوفوها اهلها لوحشة البيت مكسورة و عليلة
لو تنحب لحد ما تعمي العيون يمكن هم قليلة
براس الضعن لمحت عيني عباس يماشي اخته العقيلة
رحتلّه و من نظرني دگّ علّه الراس قبل لا اشتكيله

بعد ما حاجيه و منه الدمع سال
و طاحت عَمَّتَه و ريشاته الطوال
بعد ما باديه اعتاب
عليّ شو سدوا الباب
ما خذوني

يمشي حسين و انه بدمع العيون خطواته أعدّها
كل خطوة المشاها تاخذ الروح من جسمي و تردها
بحضن زينب كُلتله علّتي أطيب و علاجي بويه عدّها
يمها چم و گت صَعَدني يحسين و انه انزل بعدها

مسافة اكصيرة اكعد يمها بهداي
كُلتله و داعَتك ماطول هواي
ابنشغته رد الجواب
عليّ شو سدوا الباب
و ما خذوني

كلهم سمّعتهم عتب مجروح ما مسموع مني
ما ظل بيها واحد ذيج الضعون ما وّن اعله وني
ضحكلي و طلّع ايده من الغمّاط عبدالله و لچمني
و علي الاكبر جِرّاني يناشغ و دار وجهه لغاد عني

و دمع لهنّاك اسمع بس و حيفه
لعريس الضعن و اخته شريفة
بچولي كل الاحباب
عليّ شو سدوا الباب
و ماخذوني

لمن ايسّت ما امشي وياه كُلتله بدمع يجري
ادعيلي يابويه المغرّبيات ما تخنّجلي صدري
بليل اموادك شيغمض العين و انتة بحالي تدري
عليلة و السهر ينرادله كبار و انه وينه كُبري

ماخذني المرض و بصفنة الليل
بوية منين اجيب لصورتك حيل

چېدي بالهضم ذاب
عليّ شو سدوا الباب
و ما خذوني

الحمد لله
علي حسين الكناني